



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj:
Sarajevo, __.__.2024. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na __. sjednici održanoj dana __.__.2024. godine, primilo je k znanju

Informacija o čišćenju korita rijeke Miljacke od riječnog nanosa

PREDSJEDAVAJUĆI GRADSKOG VIJEĆA

Jasmin Ademović

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Informacija
o čišćenju korita rijeke Miljacke od riječnog nanosa

Predlagač: Gradonačelnica Grada Sarajeva
Obrađivač: Služba za urbano planiranje, investicije,
stambene i komunalne poslove

Sarajevo, juli 2024. godine

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



ČIŠĆENJE RIJEČNOG NANOSA I MULJA IZ KORITA RIJEKE MILJACKE

U okviru zakonske nadležnosti Grada Sarajeva za održavanje uređenih korita na svom području, izrađen je Elaborat o snimanju riječnog nanosa, i to za potez uzvodno od brane na Bentbaši do ugostiteljskog objekta Nova Bentbaša i Elaborat o snimanju riječnog nanosa na potezu od brane na Bentbaši do RTV Doma, sa ciljem da se utvrde količine formiranog nanosa i uklone radi omogućavanja nesmetanog režima tečenja i radi zaštite uređenih obala korita od erozije.

U 2023. godini bile su planirane aktivnosti čišćenja korita rijeke Miljacke od riječnog nanosa i mulja i to prevashodno na lokaciji uzvodno od brane, na kojoj je Elaboratom utvrđena količina od oko 4.700 m³. Poveden je postupak javne nabavke za uklanjanje nanosa i mulja iz korita na tom potezu, a procijenjena vrijednost radova je bila 120.000,00 KM bez PDV-a. Međutim, do zaključenja ugovora nije došlo, iz razloga što do danas nije riješeno pitanje lokacije deponije mulja i riječnog nanosa predviđenog za uklanjanje iz korita.

Elaboratom o snimanju riječnog nanosa u koritu rijeke Miljacke na dionici nizvodno od brane sve do RTV Doma, odnosno na cijeloj dužini uređenog korita, utvrđena je količina od preko 10.000 m³ riječnog nanosa, a planirano je da se sukcesivno u narednim fazama vrši uklanjanje istog prema raspoloživim budžetskim sredstvima. Shodno tome, planirano je da se u istom periodu započne sa čišćenjem korita od riječnog nanosa od brane nizvodno, tako da se ukloni cca 3.600 m³ riječnog nanosa.

Gradska uprava Grada Sarajeva poduzela je aktivnosti na rješavanju prethodnog pitanja određivanja lokacije deponije za privremeno ili trajno odlaganje riječnog nanosa i mulja, sve sa ciljem da se blagovremeno pripremi nesmetana realizacija ovog projekta.

Tako je aktom broj: 09-19-699/23 od 25.01.2023. godine upućen upit KJKP „RAD” d.o.o Sarajevo, da li postoji mogućnosti da to preduzeće preuzima riječni materijal iz korita za potrebe prekrivke deponije ili za druge potrebe, a KJKP „RAD” d.o.o. je dopisom broj: 01-01-07-6105/23 od 23.03.2023. godine dostavio izjašnjenje Komisije za praćenje realizacije i izradu programa aktivnosti na sanaciji i izgradnji Regionalnog centra za upravljanje otpadom (RCUO) „Smiljevići“ u Sarajevu, kojim nije dat eksplicitan odgovor.

U nastojanju rješavanja pitanja lokacije za deponovanje, na inicijativu Gradske uprave Grada Sarajeva, dana 25.07.2023. godine, održan je sastanak sa predstavnicima kantonalnog Ministarstva privrede Kantona Sarajevo, Kantonalne uprave civilne zaštite, Zavoda za izgradnju Kantona Sarajeva i Općine Stari Grad. Na sastanku je ocijenjeno da bi bilo najbolje da se izvađeni materijal iskoristi za potrebe civilne zaštite, primarno za zaštitu od poplava na poplavnim područjima (punjenje vreća za formiranje privremenih zaštitnih nasipa), te da je nužno u najkraćem roku odrediti mjesto za odlaganje materijala i u tom smislu su doneseni zaključci kojim je dogovoreno da će resorno Ministarstvo privrede KS u saradnji sa Kantonalnom upravom civilne zaštite definirati lokaciju/lokacije za deponovanje materijala, a koje će koristiti Kantonalna uprava civilne zaštite te da će o tome obavijestiti Gradsku upravu. *(Zapisnik sa sastanka uz dopis broj: 09-11-4698-2/23 od 27.07.2023. godine u prilogu)*. Po citiranom zapisniku nije postupljeno.

Zatim je Gradska uprava, dopisom broj: 09-11-5689-1/23 od 25.07.2023. godine, zatražila od Općine Stari Grad, na čijem području bi se u prvoj fazi izvodili radovi, da odrede lokaciju za deponovanje, nakon čega je zajedničkim obilaskom terena utvrđena potencijalna lokacija na desnoj obali rijeke Miljacke uzvodno, što je i potvrđeno u odgovoru Općine Stari Grad, broj: 13/1-19-5540/23 od 02.08.2023. godine. Međutim, u tom dopisu je naznačeno da se predmetni lokalitet nalazi u obuhvatu Zaštićenog pejzaža „Bentbaša” te da je potrebno pribaviti stručno mišljenje Kantonalnog Zavoda za zaštitu prirodnog i kulturno-historijskog naslijeđa Sarajevo,

što je i učinjeno dopisom Gradske uprave broj: 09-11-4689-3/23 od 09.08.2023. godine. U stručnom mišljenju Zavoda, broj: 1227/23-Z-16 od 15.08.2023. godine, navedeno je da odlaganje materijala na predmetnom lokalitetu nije prihvatljivo sa aspekta zaštite prirodnog i kulturno-historijskog naslijeđa.

Nadalje, Grad Sarajevo je dana 04.09.2023. godine uputio molbu općini Ilidža za određivanje lokacije za deponovanje riječnog materijala iz korita rijeke Miljacke koji bi se mogao koristiti za potrebe općinske civilne zaštite (odbrana od poplava i sl.), na koji smo zaprimili odgovor, broj: 02-19-6353/23 od 08.09.2023. godine, da nisu u mogućnosti ponuditi lokaciju za odlaganje riječnog materijala.

Konačno je dopisom broj: 09-11-6405/23 od 22.09.2023. godine dostavljen upit Ministarstvu komunalne privrede, infrastrukture, prostornog uređenja, građenja i zaštite okoline Kantona Sarajevo, da li se materijal iz rijeke može smatrati negrađevinskim otpadom, pa da se kroz ugovor naloži izvođaču radova da isti odveze na deponiju, na koji smo dobili odgovor aktom broj: 05-21-41529/23 od 02.10.2023. godine, da navedena vrsta otpada **ne može biti odložena na deponiju „Smiljevići” Sarajevo.**

Budući da je iz navedenog vidljivo da smo iscrpili sve mogućnosti za rješavanje prethodnog pitanja određivanja lokacije deponije za privremeno ili trajno odlaganje riječnog nanosa i mulja, proizlazi da zbog objektivnih okolnosti nismo u mogućnosti realizirati planiranu aktivnost.

U prilogu dostavljamo kopiju korespondencije navedene u ovoj Informaciji.